

道州志卷九

人物

列傳

列女

流寓

陵墓

百年不朽之業皆一身難已之圖大者偉烈豐功  
流輝史冊小者幽光潛德播譽鄉閭列傳所登其  
人如在至於女德無極婦式猶存占苦節之可貞  
矢冰心而不變可以盟金石泣鬼神斯亦難矣其  
可没乎傳列女彰風化也若夫君子至斯里居可  
溯古人已往碑碣常新則流寓陵墓之書無非人  
與地傳夫豈今不古若前修未遠往事堪師耻聲

道州志

卷之九

人物

列傳

聞之過情懼修名之不立歿不紀載其間誠非夫  
也生當賢哲之後何多讓焉志人物

列傳

**漢**蔣嵩湖廣通志元康間徙丞相將軍列侯吏二千

石於杜陵蔣氏有為二千石者在徙中故蔣氏為

杜陵人曰詡者為兗州刺史詡之孫橫輔光武平

赤眉有功橫之後交州刺史者嵩之祖也有交趾

都尉者嵩之從父也代還至營道卒因家焉故嵩

為營道人嵩歷任五官掾功曹繼為計掾留拜為



郎日郎官出爲豫章平都侯今子孫甚蕃其鄉名曰蔣居鄉

熊尙府志字子高先祖籌封龍平侯永嘉間由豫章遷居營道父喬更督郡主簿五官中郎三辟不就尙少以忠孝稱辟吏諸踐曹主紀史督郵主簿五官功曹州從事舉孝廉上計椽興平元年除補桂陽曲江長爲政果達所至有聲爲民所安劉表牧荊州拜綏民校尉領曲江長尋拜騎都尉授灌陽督長六載卒于官吏民懷之今龍村石陂子孫居焉

道州志

卷之九

人物

二

列傳

唐何堅府志德宗時進士自太學歸韓昌黎以序送之曰堅道州人也道之守陽公也道於湖南爲屬州楊公賢也堅爲民堅又賢也湖南得道爲屬道得堅爲民堅歸倡其州之父老子弟服陽公之令道亦偕其縣與其比州服湖南之令由此觀之堅其道之古民歟祀鄉賢

李季芳一統志代宗時處士刺史元結請於朝曰季芳介直自全退守廉遜文學爲業不求人知乞介



州縣造舍給田免其戶役從之季芳卒結表其門  
何仲舉姓譜後唐長興間進士母嘗夢挾仲舉入  
月後與范質同登第因賜所居鄉曰進賢里曰化  
龍仕終天策府學士子嗣全孫詢直友直誼直咸

節科第

宋

陽程冠紀初名和少貧爲郡傭書郡後有鐵作

池亭一日太守於吏牘間得副紙紀池之勝有寒  
影倒吞漢漢樹冷光高浴半天星之句詢知爲和  
作大驚異之與之金使歸爲學更名程登太平興

道州志

卷之九

人物

三

列傳

國八年進士累官屯田員外郎

周輔成統志元公之父世居營道之濂溪大中祥  
符八年登進士所歷多善政終賀州桂嶺令以子  
貴累贈諫議大夫入祀鄉賢明萬歷甲午湖廣巡  
撫李禎奏請從祀啟聖公祠

蔣敏修姓譜字臻甫十五遍讀諸經子書其父璨命  
作無絃琴賦立成既長以文名元豐八年登進士  
乙科仕桂州理椽有文稿三十卷

吳庸統志字子實營道人登淳熙特科爲容州



川節尉李接倡亂庸與同郡徐邦直唐捷起兵禦之凡六戰衆寡不敵庸歿于陣徐被執罵賊而死帥劉焯上其事俱贈承事郎仍官其子祀忠孝

蔣鈞字不器與劉洞陳甫為詩友通志未載

吳偕府志元祐六年登第王履道謫守是邦屢造其

廬名其堂曰聚德常為賦詩有田園九世四百載

儒學一門三十人之句偕姪民瞻民先姪孫徽柔

紹興二年同登第俱以學顯開禧改元孫孝友復

以易學踵甲科祀鄉賢

道州志

卷之九

人物

四

列傳

歐陽澤舊志少貧為郡吏因弟程入仕籍乃陳乞罷

殺發憤讀書咸平二年成進士仕至節度推官此傳

通志新志皆未載

何盞府志更名棄登政和進士第性剛介議論不屈

倅隨守廉俱有政聲後守雅州復考最累官至朝

請大夫祀鄉賢

歐陽言府志字鳴道建炎初登第性廉退任遷江令

嘗獲冑爵人陳椿合改秩固辭不受後宰劇邑鞠

大獄愈有聲尋倅賓陽遷員外郎致仕故廬蕭然



僅蔽風雨

祀鄉賢

義太初一統志字冲遠先以詞賦名尋舍去宗濂溪

之學登淳熙戊戌進士性行端方周必大朱子皆

與之遊屢表其能歷官知高瓊二州俱有聲有水

壺詩十卷易集註五卷文集二十卷

祀鄉賢

吳必達楚紀字材卿嘉定三年以詩義舉進士淳祐

元年中特科狀元初授建康府教授七年擢奉議

郎尚書禮部架閣兼給事中借紫金魚袋所在政

治有聲

道州志

卷之九

人物

五

列傳

明蔣宗懋府志洪武初由明經任本州學正擢刑部

主事歷官皆著賢能

周堦一統志字伯和營道人濂溪先生九世孫好學

善設易長於詩詞元季隱營山之陰洪武初有司

以明經舉不仕歸

何紳府志字帶文中洪武癸酉鄉試初授鳳陽府通

判以廉能著屢遷鹽運使

吳友遜明統志字致恭宜陽鄉人弱冠通武藝涉略

書史元末盜起友遜仗義保障民賴以安明太祖



既定天下以郡歸附祀忠孝

何器湖廣通志字大器洪武乙卯領鄉薦初入南監時成祖遷都燕京擢監生八人扶乘輿與焉授福建道御史遷河南僉事改兵部員外郎轉南昌知府風厲廉能勤于撫字民懷吏畏

周冕湖廣通志字得中為人孝友勤學好善景泰中以濂溪有功世教錄其子孫授冕世襲翰林院五經博士有拙逸集藏于家

道州志 卷之九 人物 六 列傳 胡欽舊志字以敬治書經永樂甲申進士授北直東

安知縣廉潔有政聲通志不載

趙宏明統志字宏道天順甲申進士授刑部主事辨張童張壽之誣上疏言廣西邊事轉員外郎預典會試遷山西僉事丁父憂起復改廣東屢決大獄人服其公官至巡海副使親平番寇事聞賜以金帛

何鍾府志字廷宣天順乙卯舉於鄉成化壬辰成進士觀政冬官奉命勅葬商文毅公夫人公私饋遺一無所受入拜大理評事洗冤辨枉籍籍有聲卒



于官囊橐蕭然文毅公親往哭奠復爲之銘

周點府志字伯念生而穎異稍長習舉子業試輒高等督學顏冲字大鑒賞之且曰得士若爾不獨冠湖以南卽全楚無能出其右隆慶改元以選貢應恩詔授廣西柳州府融縣主簿當道重其才優禮之未及二載兩廣軍門檄之以修通志將戒行而疾作自知其不能差也援筆作詩一絕囑二僕寄其家曰一官寂寞融山下二白龍鍾瀟水東寄語兒曹莫惆悵傳家惟有孝和忠卒之日士民撫棺而哭者盈於署

道州志

卷之九

人物

七

列傳

熊繡一統志字汝明號頤庵寧遠衛人其先以戍籍自豐城徙焉登成化二年進士第授行人嘗奉使楚府及巡四川茶課力距饋遺立朝蹇諤有器識議論務持大體擢御史巡按陝西布政使于璠以官帑銀餽苑馬卿邵進繡發其罪璠遁赴京訐繡並下吏治卒無驗璠進皆除各璠所親當路者力主之謫知清豐縣殫心民瘼均徭役省轉輸立重輕歲給之法民便之久之擢知鳳翔府宏治中遷



山東左叅政進右布政使七年以右副都御史巡撫延綏榆林初僅小堡屯兵備冬景泰中始移巡撫總兵官居之遂爲西北巨鎮城隘弗能容繡請增築二百餘丈洫鎮數年練兵積粟邊政修舉歷兵部左侍郎尙書劉大夏深倚信之騰驤四衛勇士額三四萬人率虛籍歲糜錢穀數十萬多入奄人家廷臣屢請稽核輒被撓十八年命繡清釐未竟而孝宗崩朝政漸變繡力持不顧得詭冒者萬四千人御馬太監竊瑾等疏請復舊給事御史

交章劾瑾大夏亦力爭武宗不得已從之而宥瑾等不問正德改元擢右都御史總督兩廣軍務旣抵鎮盡裁幕府供億秋毫無所取二年與總兵官伏羌伯毛銳討平賀縣獍劉瑾以前汰勇士事深疾繡召掌南京都察院事尋以中旨罷之已復撫延綏倉儲浥爛爲繡罪罰米五百石責繡躬輸于邊十年閏四月卒于家年七十五無子以兄子濂爲後巡撫秦金頌其清節于朝贈刑部尙書謚莊簡蔭其孫入國學繡簡直清白臨事有執練習政



體自奉甚約惇於孝友家居惟閉戶觀書不入官  
府鄉人亦不敢干以私也祀鄉賢

洪達府志字時漸號澹齋少孤有大志負性倜儻穎  
敏年十五遊郡庠雅志理學嘉靖癸卯以蔭襲指  
揮有功陞清鎮守備中都副留守掌行都司印鎮  
守右叅將奉勅統兵征勦支羅涓潭等處逆賊黃  
中阿項等兵不血刃師獲萬全川東黔南民得安  
堵兩承欽賞歷官一十五年勞于恤下拙于媚上  
報陪黜總戎者三次以直道自處告歸時父老送

道州志

卷之九

人物

九

列傳

之泣下乃自賦畱別云南歸已遂鷗鴻願北望龍  
忘犬馬情父老臨歧莫深怨由來不殺是前旌其  
風致灑落如此歸里不置產業惟修飾祠宇墓碣  
遠近親疎凡有急者周卹之無難色有自適編南  
岳紀遊藏於家

胡浩字希孟寧遠衛人領宏治己酉鄉薦任教諭轉  
教授遷國子學錄諸生執贄以見皆不受後除肇  
慶府通判凡一切常例俱革之其廉介如此通志不載  
朱瑄府志字以獻宏治乙丑進士授武進縣令減供



帳輕徭役節驛傳之費寤疑獄之久不決者秩滿擢戶部主事以疾乞歸卒

何天衢一統志字道亨號蕭川登宏治丙辰進士第授浙江嘉興知縣有政聲秩滿擢監察御史彈劾無所避權貴斂手逆瑾用柄輔臣芳宇首諂附之呼為假父天衢恥之遂被中傷落職家居瑾敗廷議起知河南府時鎮守玉閩漁獵七郡郡多賄以重貨天衢獨抗弗與尋遷陝西按察副使謹邊防陝賴以安正德丙子遷浙江按察副使轉布政使

道州志

卷之九

人物

十

列傳

平孽族湯氏許氏之亂宸濠不軌內侍畢直潛為應援天衢以計擒之嘉靖初論功晉都御史巡撫河南鎮寇王堂倡亂討平之進工部侍郎增祿一品留守南都聞月精門災上疏言時政闕失上嘉納之遷理易州厥以疾卒於官

祀鄉賢

李璋府志監利人宏治市年襲寧遠衛僉事守禦柳州征進馬平有功擢守備正德十六年授廣東都司嘉靖初以叅將分守柳慶地方進勦廣東新寧復征思恩府叛目劉召及勦田州賊屢捷尋擢總



兵官鎮守貴州勦平叛賊周天星等勅書獎勵十一年進南京前府僉事提督操江十五年又以總兵官兼提督清平等處撫勦凱賊王聰楊勉等屢建大功十九年乞恩養疾卒於家

朱選府志字士英寧遠人正德丙子舉於鄉授鉛山知縣時值荒歉選損俸糴穀存活無算上司將大用之而選淡於仕進遷武定守未半載乞歸居鄉恂恂推飭皆足爲鄉閭矜式

何思湖廣通志穎敏力學領正德癸酉鄉薦由劍州

道州志

卷之九

人物

十一

列傳

守陞馬湖同知慈愛廉明兩著循績致政歸惟圖書數篋而已居鄉耿介州守王會雅重之屢請鄉賓其爲詩文清峭簡潔亦如其人

廖濟民府志字仁夫由舉人判思恩府有幹濟才會土官猖獗擁入府濟民端坐堂上衆望之若神明不敢逼事定致仕歸卒于家州守王會誄之曰時乎州庠凜凜於士氣時乎府倅凜凜於官箴時乎林泉凜凜於鄉望

解冠府志字季元嘉靖癸未進士授戶部主事性亮



直不阿監兌浙江常例俱革之勤勞儲務邁危疾  
具疏乞歸時巡按王璜知其清約密置棺殮之具  
遣人隨至湘東冠始知之感其意受棺反金至祁  
陽疾革行李蕭然惟衣半篋而已

周良相府志字季翰號合川嘉靖辛卯舉於鄉任瀘  
州牧歷建昌桂林楊州郡丞多惠政瀘楊並祀之  
幼時嘗從安豐王心齋游累年仕更力學既歸愈  
篤蔬粥宴如也著四書五經道德西銘諸微破去  
牽合附會之說嘗題其座云妙算疾書不覺手舞

道州志

卷之九

人物

三

列傳

足蹈笏通自得本來氣感神交卒後巡撫湖廣都  
御史邵陞表章之題其墓曰安貧樂道祀鄉賢

李鏗府志字廷和垂髫卽以孝友聞以歲薦授廣西  
潯州府判兩攝府篆一署鹽運泊然無所染擢上  
思州知州覈里糈匿糧若干條革上思冗費數百  
餘兩士民稱快以親老乞歸偕里之學者日譚名  
理絕跡公門年八十五卒

黃廷聘府志字道行號瀾亭穎敏苦學行義高古遇  
事不少假借見者多敬畏之嘉靖丙午薦于鄉丙



辰成進士授南昌府推官以母難復補成都當道  
薦章有行事無秋毫之苟斷獄有青天之謠一時  
諸監司并重未幾內召授御史及居臺中上封事  
屢稱旨奉差巡按兩浙監鄉試事所舉士皆一時  
名宿由是南宮魁選多出其門先是按部時掌院  
者浙人也欲私其子弟爲碧桃紅杏語卒不許以  
故見忤掌院移貴州僉事卽乞歸養杜門謝客經  
年不入城市鮮有識其面者其方正寡合類如此  
何朝宗府志原名斗華字學實號在吾剛介有氣節

道州志

卷之九

人物

三

列傳

多著述萬歷丙午領鄉薦庚戌登進士知三元縣  
多治蹟時中丞有額外之求朝宗拒不與以是被  
劾謫浙江藩幕署篆臨安得民心以臺使薦擢廣  
東海豐令甫視事計擒海寇除大姓之蠹民者又  
獲冒僞之爲民害者發奸摘伏民賴以安遷福建  
延平貳守以前任監司填註非最謫河南泉幕朝  
宗曰直道不容吾其歸歟遂致仕築殮霞洞齋心  
閣居焉或有以兩先人未荷恩綸爲言朝宗流涕  
曰是余責也卽日買舟北上與家人約得先人贈



卽歸期也天啟中補池州司李治獄無冤院薦者  
七遷池貳守崇禎改元以覃恩獲誥贈會有款寇  
嘯聚萬餘徽寧騷動兵巡副使舉朝宗勦撫單騎  
抵賊壘諭以大義不二旬降之事聞授都察院經  
歷又以循例輪差之故爲臺中方姓者怨轉農部  
員外郎將乞歸值邊事孔亟奉差薊鎮糧儲義不  
敢請時方亦巡關調兵經薊者不下數十萬芻茭  
不繼朝宗日則徒步冒雪以覓豆草夜則披堅執  
銳分守孤城及關薦朝宗不與乃詣闕自陳功罪

道州志

卷之九

人物

齒

列傳

未明進退難決力求南歸事下部覆稱公司餉有  
勞是年授本部郎中未幾新募建兵過鎮部餉道  
阻士卒有脫巾而呼者時方官中丞思有以報遂  
劾朝宗縱役解任年六十卒於京

許登科舊志字從進號鍾元襟懷曠遠自命不凡勤  
於誦讀累試高等以選貢拜黔之貴陽令時值安  
囚猖獗後積屍盈野室家離散甫下車殫瘁招集  
賑恤蠲徭由是死者以安生者以慰未幾土寇竊  
發朝廷命將勦撫登科職督芻糗而實叅機務事



靖悉隱其能歸功幕府兩臺交薦部議方當擢用而公竟以積勞嬰疾不起終於署士民罷市巷哭至今懷思子四長聯元領歲薦以孝義聞於時何之漢府志字大觀崇禎己卯舉于鄉庚辰赴春官試值王恭厥災筮之得明夷遂束裝南歸絕意仕進軍申京師陷卒于山中

楊成章一統志營樂鄉人父泰任浙江長亭巡檢妻何氏無子娶杭州丁氏生成章年四歲泰卒於任丁氏留其家何携成章扶櫬歸丁剪銀錢與嫡妻

道州志

卷之九

人物

十五

列傳

何各藏其半約成章長授之及成章爲諸生何臨歿授以半錢且告之故成章服闋遠遊尋母不獲而歸後因州人李紹義任東陽典史訪知丁氏所在復往求之乃得及母卒廬墓三年知州葉文浩以聞吏部侍郎唐龍上其事授國子學錄以旌其

孝

舊祀鄉賢  
今祀忠孝

熊魁一統志營陽鄉人早歲喪父與兄裘同事母何氏孝養備至母嘗患危疾魁剗胸爲劑以進母服之頓愈年八十二而卒魁廬於墓側與裘朝夕哀



奠三年不入私室鄉黨稱孝焉祀忠

蕭華湖廣通志進賢鄉人事母極孝母逝廬墓三年

足跡不至門值兒女子患痘報之歸亦不入戶惟

隔垣呼而問之即旋墓所孝後知州邊侁以禮祭

其墓額其門曰孝子蕭華之門祀忠

補傳

宋何友蘭嘉定元年進士官太學士理宗賜八分書

有營川漁隱及三科進士兩世四中丞額聯併

賜詩見府志

道州志

卷之九

人物

六

列傳

元周善溥元公八世孫至正間判官吳肯薦之當道

請援顏孟例世以元公子孫之賢者為濂溪書院

山長上憲允其議檄州舉善溥以應見濂溪志

明黃應元字汝仁號靜齋御史廷聘之子萬歷間選

貢生初宰粵東四會縣有惠政綏民懷之調江西

零都縣去之日士民扳轅垂涕送至境外蒞零三

載循聲益著零人立生祠肖貌以祀上臺察廉能

擢南昌府練兵同知以繼母年老致政歸養其治

蹟載巡按陳萬言序中家居惟杜門著書修州志



及家譜年八十一卒

何頤字養正正德間舉於鄉任廣東潮州府推官其屬邑程縣多寇變當道重頤風力委掌縣事招練而約束之衆感且惧未幾斬二賊將俘其酋長以降頤亦還府明年復叛守臣疏聞督兵勦克復議留頤以守躬抵賊壘撫其遺黨爲之授田給具各安其家事靖同官繪圖置酒爲賀力却之翰林檢討盛端爲作平寇叙

國朝何長庚字東升號澹園領康熙癸酉鄉薦任趙

道州志

卷之九

人物

七

補傳

州臨城縣令自奉儉約立法平恕務期便民值歲荒奉檄賑濟各縣飢民全活甚衆士民立祠書愛民如子額其堂太常寺少卿中山郝林爲之記丁酉行取入京授兵部武銓司主事雍正癸卯以足疾乞歸家居二十四年不異寒素有犯者不與較人服其量年八十四終於家

許魁字介五康熙壬戌歲貢與常在同修濂溪志體裁明備司訓桂陽嚴立課程遊其門者多能文之工學使潘宗洛爲作壽叙甚推重之性耿介不介



於時爲同官所詳揭上憲知其賢得解士林稱快  
載入桂陽縣志循良傳

陳鵬飛字際五康熙甲子歲貢蚤歲潛心理學所著  
河洛圖解一卷獨抒心得發前人所未發足以羽  
翼經傳歷來學使者疊賜題額極相推許板藏於  
家後爲沅陵司訓以終

陳文宣字燦然號質菴雍正間由行伍任祁陽把總  
約束兵丁巡防嚴密以弋獲劫賊首犯七十七有  
功洊陞至廣東三江協鎮所到號令整齊賊黨皆

道州志

卷之九

人物

六

補傳

聞風習服尋陞浙江温州鎮總兵時屢患回祿爲  
置樓瞭望設桶貯水遇火起則率兵往救戶賴以  
安士民立祠尸祝因老乞休壽至八十四歲

何翰南號果菴雍正己酉舉人中庚戌會試明通榜  
初授臨湘縣教諭勤於訓課後任福建惠安縣令  
爲政簡易不苛而民自無犯歷署福鼎福寧等縣  
皆著循聲當道廉其能將薦之遽以疾致政歸優  
游林下幾二十年眼觀四代孫曾入泮食餼者以  
壽八十三卒鄉里稱爲全福



列女

明周倫妻黃氏修義鄉人黃文明女年二十四倫沒子方一歲黃勵志守節事姑教子五十餘年人無間言

文宣妻蔣氏年二十四夫亡子文俊方二歲孀居教子娶婦陳氏文俊亦故無子陳氏年二十一與姑相守四十餘年而卒知州葉文浩表爲雙節生員何爲妻熊氏宜陽鄉人年二十一夫亡無嗣守節終身

道州志

卷之九

人物

十九

列女

兵部尙書熊繡妾葉氏永州衛指揮葉全之女年十八適繡爲副室繡卒父憐其無子欲迎歸堅執不允嫡子濂早卒其婦潘氏年二十一亦孀居守志有子名瑞葉與共撫之成立相依完節而終

周元直妻馮氏年十八元直歿孀居無子里豪有欲奪其節者馮執不從時姑在堂事之盡禮歿後獨守一室紡績自給垂四十年

周仕妻何氏坦谿人仕無子何爲置妾卒無子年二十二而寡遣妾獨居仕二弟尙幼何以嫂鞠之次



第婚娶歸其貲產焉年七十餘終

孝廉胡最女胡氏自幼不肯適人有來議婚者輒病哭長亦如是父母不能奪乃給田飭一老婢事之父母歿扁鑰愈密卽親乳弟不與其寧隣婦亦罕有見者舊裳古髻以終其身

蔣義卿妻何氏年二十夫歿無子孀居事姑紡績代養姑逝盡出粧資殮葬盡禮清苦自甘年七十八而卒照例旌表仍爲建坊

王煥然妻周氏歸王甫二歲煥然溺死周抱屍號哭

通州志

卷之九

人物

二十

列女

不絕含殮後亦自縊學正林師則爲之傳

何文銘女何氏許字某氏子未適而殤父欲別受聘女泣拒曰女旣許字某則某妻也豈復事他人乎竟守志以終

趙廷玉女趙氏某氏子委禽焉未娶而殤廷玉亦死女依其母兄居時兄年亦幼有姑子李大金者窺其姿色謂此兩弱息可以謾語遂指廷玉在時曾以女許大金脇以必從女年方十二度知不免夜紉其內衣赴營道江死事聞建坊於江北以旌其



烈

國朝常自慊妻邢氏大名。人明崇禎間自慊官道州吏目。邢隨任所自慊卒於官。邢年二十五子幼家貧不能北歸。邢苦節教子紡績自給。家僕悉遣去。一小婢汲水而已。值明季寇亂流離萬狀。避寇深山。或竟日不得食。年逾八旬。子孫相繼爲諸生。邢督責如孺子。康熙六年州守張大成表其廬。

朱國元妻何氏年十九適國元。明末國元死。止一女方二歲。撫女泣曰。我二歲無父。爾復二歲無父。天乎。命也。矢志守節。足不履戶事翁姑。盡禮訓女。嚴持家儉。雖猶子不假以色。明季兵亂流離擾攘。卒保其身。年七十獨居者五十餘年。

陳天濶妻文氏順治四年村民避兵皆奔散。文以夫與舅姑病侍疾。不忍離。遂爲兵所獲。悉掠其簪珥。復逼之。行文懼不免。投於水。兵怒。亟刺之。遂死焉。子光生方四歲。見文死亦奔入水。與俱盡。

汪璣妻李氏夫歿氏年二十二事繼姑王備極孝。養撫孤子成立。有姪北人氏憐之。乃三分其財而取。

道州志

卷之九

人物

三

列女



其一姪相國北魁皆諸生奉李如母然守節四十餘年庭無間言

生員熊超林妻文氏文世德女年十八歸熊二十超林歿子光啟甫一歲文矢志守節謹事舅姑撫養孤息時當明季流離之際卒成其志後光啟餼於州庠文年六十三卒

周士嶽聘妻何氏未嫁士嶽早卒氏年十七聞訃奔喪憑棺痛哭遂竭力以事翁姑紡績供膳翁姑繼沒典釵衣以供殯葬守貞四十餘年雍正二年旌

道州志

卷之九

人物

三

列女

李灼然妻馮氏馮嘉猷女年二十八灼然故兩子俱幼家貧如洗翁姑早逝父母憐其貧無依屢勸改適馮以死自誓決志堅守紡績度日撫子成立守節七十餘年

蔣嘉賓妻何氏何德女年十八適蔣二十九歲嘉賓歿一子尚幼守節三十餘年

徐嘉茂妻何氏何宗漢女年十七適徐二十一嘉茂歿子女俱在襁褓姑憐其年少聽其自便何堅守不二事姑甚孝教子有方守節三十年



何之泳妻李氏之泳歿李年二十六家貧甚惟以紡績營生自食甚菲事舅姑必竭蹶以供頤養撫育二子皆成立乾隆二年旌

何又奠妻周氏周君儀之女歸何七日而又奠歿矢志守節四十六年乾隆十六年旌

栢元捷妻蔣氏年二十三元捷歿兩子俱在襁褓家素貧蔣矢志撫孤艱苦備嘗教子以義母兼父道子正馥正蔚皆成立家日豐裕孫九人蔣復爲延師訓課後孫槐貢於成均遊庠者四曾元百餘人

道州志

卷之九

人物

三

列女

相繼食餼明經蔣氏鄉諡貞懿年七十六而終

陶士晨妻嚴氏年二十六夫歿守節翁國輔曾任千總及歸囊橐蕭然嚴以紡績承歡且教孤子不少怠長鳳舞成諸生次鳳起勵志戎行亦爲千夫長乾隆十七年旌

熊旦妻吉氏年二十五夫歿撫幼子守節姑以哭子喪明凡櫛沐飲食皆吉維持調護母葉年老無依迎養盡禮節孝兼至乾隆二十七年旌

熊氏鳳姑庠生熊旦姊初受訓導何遵長子聘年十



八而何氏子天鳳姑矢志守節後得癰疾依嫂吉氏年四十六而卒

何繼駒妻周氏年二十一夫歿貧苦守節而姑常豐於養夫弟繼逝遺姪尚幼周與姪同志孀居無間言教子若姪必以禮

周之元妻何氏何爾儀女二十六而寡守節事舅姑極孝謹家貧常紡績以佐甘旨子二長鍾靈次鍾朗延師訓課皆遊州庠年七十八卒乾隆二十九年旌

道州志

卷之九

人物

孟

列女

徐嘉懋妻何氏年二十歸徐二年生子英纔半歲而嘉懋卒家貧英又多疾何事姑撫子盡孝盡慈迨英死何年七十猶晝夜紡績無少懈督諸孫讀書尤嚴孫登仁登禮登智皆遊於庠年八十而卒庠生熊瑚妻文氏瑚歿無子撫堂姪爲嗣未幾而夭復撫堂姪二人俱在襁褓文以長以教長子鴻章遊於庠貢於成均姑吉氏少年苦節文事之盡孝姑已邀

旌典文以格於例未與焉



鄭啟緣妻馮氏生員馮圖南女年十七歸鄭二十一而寡子仕行甫八月祖姑尚存久染風疾常在床褥姑亦衰老無期功之親三代寡居瑩瑩獨立馮以一身事二代孀姑生則盡孝歿則盡哀撫養孤兒母兼父道克有成立孫秉朝曾孫仰成相繼遊庠

何志儼妻周氏年二十歸何三年而志儼歿遺腹生子名文敬以長以教後文敬完娶逾年亦歿無子媳陳氏年二十亦矢志守節一門雙寡晝夜紡績以供薪水後陳氏撫姪啟錚爲嗣遊於庠姑媳俱苦節垂五十年周年八十五陳年七十六皆以無疾而終

雷遜聘妻周氏生員周啟華女名良姑性至孝年二十一未嫁而遜夭時遜有老母在堂周日我受雷聘卽雷婦也遜旣死當代供子職以縞素歸於雷家貧依姑紡績爲生計撫猶子光咸爲嗣以長以教遊於庠年五十九卒

生員賀成玉妻周氏年二十八成玉應歲試卒於郡



二子廷講廷訓皆幼周矢志撫孤艱苦備嘗教養  
二子俾克成立年九十一而終

馮楚產妻吳氏吳天錫女二十適馮二十八楚產歿  
家貧子幼撫孤成立苦節四十餘年

生員黃中美妻胡氏生員胡騰舉女幼依父學授論  
語孝經歸黃得尊嫡歡年二十五中美以攻苦得  
疾胡禱於神願以身代及中美卒哀痛不欲生絕  
而復蘇時子色焜甫生四月姑泣以語曰是呱呱  
者將焉託父騰舉亦責以撫孤大義乃止姑以哭

子患噎哽每食胡必親爲撫摩夜共室卧姑數起  
必左右之姑病反胃醫者詢所吐食苦否胡輒取  
嘗之姑易簀哀痛感途人色焜少多病初使就傳  
姑欲少待胡携色焜拜泣曰所不使地下人餒而  
者惟藐孤在也不早教何以克家姑乃聽初塾師  
授書日不過十餘字胡夜課三四倍之後色焜遊  
於庠日吾今乃可以見吾姻戚矣年八十一終乾  
隆庚子學使者姚頤贈額爲之傳

陳希策妻蔣氏蔣振任女歸陳四載年二十二而希



策歿無子蔣矢志守節姑有瞽疾出入起居皆須  
扶持蔣事之盡孝撫猶子廷楨爲嗣教子嚴篤克  
有成立廷楨入邑庠孫紹謙亦相繼遊黌門蔣年  
七十七卒

生員周梯雲妻何氏年二十餘梯雲歿矢志守節乾  
隆四十三年旌

黃色耀聘妻徐氏職員徐開宗女名秋姑幼卽端淑  
明大義事父母以孝聞年二十未嫁而色耀天  
聞至誓以身殉父母曲爲防守經三年餘已而求

道州志

卷之九

人物

七

列女

聘者相踵開宗將擇佳配焉秋姑累日不進勺漿  
開宗曰嫁則從夫在家從父夫婦之禮未成兒欲  
爲誰守者秋姑雪涕對曰兒之字黃固媒妁言之  
父母命之矣受黃聘孰不知爲黃氏婦者豈必合  
卺同牢始成夫婦哉兒願以黃氏婦畢此生不然  
速死爲幸終不能強其志顧黃氏家貧無貲可倚  
秋姑曰吾旣爲黃氏守義不當重累父兄局一室  
目處晝夜紡績針紉以佐父兄日用年五十乃至  
黃門撫姪成章爲嗣曰他日黃郎得受一瓣香一



孟飯吾庶幾可相見地下也半載仍返徐氏母患病秋姑侍湯藥十餘年無少懈嗣子成章遊於庠母教也歷任州守教職贈額甚多乾隆六十年知州事汪輝祖爲之傳

黃色皎妻楊氏自幼養於黃年二十合卺逾年色皎歿子如佩甫三月家貧色皎之兄向有痰癆姑又卧病楊日夜紡績以供衣食事老撫孤後姑與伯相繼亡楊以一身任殯葬苦節三十載

何源銓妻白氏年二十歸何三年源銓歿子幼家貧無孤成立兄嫂歿兼撫諸侄苦節六十餘年現壽近九旬子世海亦年七十猶依依膝下云

陳焯然妻何氏何惟表之女年二十四焯然歿遺腹生子何氏矢志守節事姑嫜得其歡心教子有義方子名士浩遊於庠

生員何光星妻周氏生員周亮女歸何後年二十二光星歿子僕麟生甫數月家貧矢志守義事姑孝謹子稍長使就外傳督課甚嚴後子遊庠學使者李汪度贈額以爲周壽嗣僕麟又早亡周復爲無



養孫曾俱克成立相繼入州庠年八十而終

修義鄉何維琇妻陳氏陳時雍女年二十三歸何明

年維琇歿一月遺腹生子陳矢志守節勤紡績以

佐薪水事翁姑以孝聞子元弼延師課讀訓迪有

方子元弼孫顯昭顯揚俱遊庠年七十七而終

陶鳳翥妻陳氏幼知大義于歸後相敬如賓年二十

餘而寡子帝愷幼堅守不移事姑極孝教子甚嚴

苦節垂六十年乾隆己酉歲知州事魏超蕃爲之

讚

道州志

卷之九

人物

三九

列女

陳元孝妻徐氏徐必文女年二十四元孝歿家素貧

生子又殤徐矢志不移年八十而卒乾隆五十六

年知州事張範爲之贊

郭相崙未婚妻唐氏自幼養於郭門未合卺而相崙

天唐年十七矢志堅守撫子嗣龍教養成立遊於

庠苦節五十餘年嘉慶二年旌

胡紹宋妻周氏生員周蒲麟女年二十歸胡半載紹

宋病篤周泣而請曰其無後囑乎紹宋曰疾不可

爲已父母年老兩母止我一子爾懷娠數月日後



幸生男以延宗祀善事父母吾目瞑矣周泣誓夫  
遂歿逾月生男不育紹宋父復以哭子成疾家素  
貧周竭力以供醫藥翁臨終以宗祧未嗣父喪未  
葬弱女未嫁爲囑周泣領遺命翁歿後皆如所囑  
顧胡氏期功中無應繼之人紹宋有堂兄惠廸僅  
一子周勸買妾生男乞爲嗣因招其生母同居以  
資乳哺撫養成立繼姑及翁妾俱年老周侍奉晨  
夕得其歡心嘉慶二年旌

楊紹纘妻李氏年二十四紹纘歿子之明纘一歲李  
以舅姑年老矢志存孤家貧紡績自食生養死葬  
曾無缺禮年七十七而卒

楊之明聘妻何氏年二十四未嫁而之明歿何以素  
服歸楊事姑至孝姑李慮其難以終守因日給米  
半升令其另炊以試之何卒無變志孝養愈篤撫  
姪崇順爲嗣姑患肺痿飲食湯藥皆何一身姑媳  
二人相依爲命鄉里咸重之

蔣茂義妻胡氏胡亦加女閨名慶鳳年二十歸蔣七  
載茂義歿二子紹成紹龍俱幼胡撫養成立苦節



終身

周仰鈞妻何氏生員何翰南女閨名竹英年二十二歸周半載仰鈞歿何矢志堅守奉事舅姑婦兼子職日夜紡績以佐甘旨生養死葬盡敬盡哀貲費皆出於女工撫姪爲嗣教養有方

何之廷妻盤氏盤國鍾女年二十二之廷歿無子盤矢志守節奉養舅姑克兼子職撫姪爲嗣養育訓誨至於成人

周邦達妻何氏生員何志位女邦達卒無子後翁姑

道州志

卷之九

人物

三

列女

亦相繼歿邦達有弟邦适又先亡蓋二年之間遭大故者四時何年二十二孤苦零丁形單影隻以一身任殯葬盡禮盡哀撫博士邦泰子繩武爲嗣時族中有矚其孤弱可欺爭謀繼立以爲分產計致與訟端何以女身禦侮俾子成立遊庠食餼守節四十年

何繼霑妻周氏年二十五繼霑歿子起楠尙幼周矢志守節孝養翁姑教子以義入成均

周鳴楷妻胡氏年二十四鳴楷歿子幼胡矢志守節



撫孤成立苦節四十餘年

何崇仲妻李氏既嫁未一年崇偕歿矢志苦節家徒壁立外無強近之親內無應門之童晝則檢薪佐炊夜則紡績易食撫孤子訓誨至於成人

蔣崇喜妻何氏年十九歸蔣生子世茂未一年而崇喜歿家貧何矢志守節事舅克兼子職撫子成立何允述妻周氏年二十一歸何二十四允述歿子大元甫一歲家貧周矢志撫孤姑唐早孀有瞽疾事之盡孝人無間言

道州志

卷之九

人物

三

列女

生員何振緒妻周氏貢生周兆麟女年二十二歸何年餘而寡無子時舅姑年俱七旬振緒有叔年六十餘止一子尙幼一門衰老孤苦零丁內外無依家徒四壁周立志堅守孝養舅姑以門無五尺請翁姑早爲立嗣乃撫族姪爲子後翁姑相繼殞歿殯葬皆周一身摒擋後爲振緒之堂弟完娶無何而堂弟夫婦相繼物故周爲撫嗣養育教誨視同己子振緒之叔年老無依周爲養贍歿後殯葬皆周任之迨周嗣子娶婦生孫周日何氏宗瓜所恃



以綿一線者在此矣今而後可以見亡夫於地下也蓋兩家宗祀倚任一身備歷難辛能當鉅任洵女中丈夫也

生員周龍藻妻趙氏生員趙爾正女年二十六龍藻歿無子矢志守節家素貧持以勤儉謹事舅姑以針指佐不給撫猶子成立教養有方現年九十二守節垂七十年

周昇祚妻李氏生員李逢時女年二十八昇祚歿子元會尙幼李慟絕逾時始甦親族諭以撫孤大義

道州志

卷之九

人物

三

列女

喟然曰是余責也乃矢志守貞維持家計紡績以佐衣食延師課子以養以教子元會得遊庠舉優行母教也叔姑趙青年守節李晨夕相依供膳無缺守節四十餘年周氏五世同居一門雙節現內外無間言

庠生許曰順妻梁氏廣東遊擊梁永正之女年十九適許越三載生子玠方七月夫亡矢志孀居事翁姑極孝教子遊庠生孫四人終年八十一歲

劉啟蛟妻鄢氏年二十四夫故守節撫六歲孤兒登



學延嗣年六十壽終今命孫山等相繼遊庠

生員何學詩之母蔣氏年二十二適顧光楚爲妻踰  
年故守節教子遊庠終年七十三歲

林楷妻何氏年二十九夫故守節教二子成立現年  
八十三歲

生員何步雲妻周氏濂溪博士周嘉耀孫女年二十  
七夫故氏守志撫侄起勲爲嗣現年六十九歲其  
弟廩生何景雲早逝弟媳唐氏年二十餘僅遺一  
子與周炊分復合孝事老父今嗣續綿遠人以爲

道州志

卷之九

人物

五

列女

雙節之報

許學正妻何氏州庠何朝彥之女年十八歸許生一  
子越四年夫故親老氏苦節孝養教子有法內外  
咸無間言終年七十有五

廩生羅文翰之母張氏平塘張應耀女年二十七適  
羅大儀爲妻月餘夫故時翁姑俱亡禮事胞兄和  
偕嫂氏撫姪文翰承嗣早歲遊庠食餼現年六十  
蒙 學院謝暨 韓大人賜額旌節

李逢春妻陳氏係陳國治之女年二十五夫故有子



王麟方四歲孝事孀母教子遊庠眼觀四代壽終  
八旬 學院錢題額旌節

何懋勲妻陳氏陳君佐之女二十于歸甫七月夫故  
上事寡母脩極孝養撫子顯謨承嗣今已遊庠氏  
現年七十六歲

廩生王謨之母陳氏郡庠陳生岐孫女年十八適騰  
蛟為妻二十五歲夫故守節教子成名現年七十  
五歲夫有弟王緒早逝弟婦劉氏年二十一仝居  
守志撫伯兄子王章為嗣終年六十六歲妯娌雙

道州志

卷之九

人物

三

列女

寡苦况共嘗均無間言

庠生蔣世魁之母林氏同里林如璋之女年二十四  
夫崇敏物故守節教魁成名諸孫繼起終年七旬  
間里共稱之

嚴登秀妻夏氏及笄歸嚴生子二方幼氏守志教養  
苦節不移今次子開成已入國學皆慈訓也

元公裔祀生周大猷妻胡氏營樂胡子模之女年二  
十九夫故守節撫房姪承嗣現年八十四歲

唐汝正妻周氏年二十三夫故守節子元吉方歲餘



氏躬親農事孝事翁如後娶媳生孫媳又早逝撫  
孫成立脩極艱辛終年七十七歲

周延泰妻白氏年二十九夫故守節僅育一女撫堂  
兄之子兆莫承祧事翁姑育嗣子苦况備嘗終年  
六十六歲又有堂弟周延瑞早故妻毛氏年方二  
十七有子兆榮撫育成立現年七十一歲

何允雄妻熊氏年二十五夫故子毓鎮僅半齡立誓  
守孀孝親撫幼現年七十歲

儒童何允基妻周氏年二十九歲夫故守節撫姪毓  
鑒爲嗣仰事俯育克敦婦職現年六十二歲

國學朱兆福妻魏氏貢生魏品之姪女年二十八夫  
故守節延師教子門祚振興現年六十餘歲

生員周濟美之母楊氏年二十六夫故守節教子成  
名以延宗祀現年六十有奇

國學歐嗣韓之母何氏年二十有九夫仕生亡故矢  
志守節持家嚴謹教子成名終年六十五歲

增生黃色瑩妻楊氏貢生黃中正之媳年二十六夫  
偶上事翁姑以媳代子遺孤元吉教之遊庠諸孫



亦相繼成名終年八十有三

李朱氏妻吳氏年二十六祥歿子訓方歲餘有欲奪其志者氏誓節堅守撫孤成立備歷辛苦鄉人咸矜之終年九十四歲

朱武兒妻陳氏年二十八夫故子兆坤僅歲餘守節孀居上事翁姑下撫孤兒紡績自給送死養生盡哀盡禮終年七十有二

朱若泗妻唐氏年二十七夫歿無子翁姑恐其變志唐自誓堅守撫姪續賢爲嗣守節四十餘年

道州志

卷之九

人物

二十七

列女

朱文雄妻文氏從幼撫育夫家成婚四載文雄從征金川陣亡文念翁老弟幼倚任無人誓不再醮養親撫弟備極艱辛年七十卒

容啟恪妻朱氏年二十一夫歿子思熹方半歲撫孤成立娶媳朱氏年二十七熹亦歿子光月尙幼朱事姑教子內外無間言鄉人號爲雙節

儒童魏芳彩妻何氏年二十三夫故子幼夫有祖母八十餘歲繼母亦染瘋疾孝養不倦今長子鍾援例授衛千總守節三十餘年



備童吳楚元妻胡氏年二十七夫故子錦雲方在襁  
褓氏堅志守節縞衣青裙終身不變時姑朱氏亦  
孀居事之盡禮支持門戶脩極艱難今其子已成  
立諸孫羅列氏現年六十七歲

生員黃色聖妻何氏生員何芬之女年二十五夫故  
遺一子鶴鳴門祚零丁矢志教養以延夫嗣今鶴  
鳴已入國學生孫二人氏年六十四而終

童生何恩麟之母蘇氏年二十適何生子未周月夫  
故氏矢志守節撫育孤艱苦脩嘗幸得成立現  
年六十歲

陳嘉論妻秦氏衛千總嘉語之嫂年二十夫故氏痛  
不欲生誓爲未亾人祛裝毀容孑然獨處撫兄子  
立緯以延夫後苦節二十餘年嘉慶庚辰

恩贈六品安人

盤紹湯妻羅氏生員可欽之母及笄適盤門未幾紹  
湯病故遺孤僅週歲氏矢志不二操持家政井井  
有條今可欽已成名皆氏教也現年六十歲

修義鄉增生何元勳妻周氏庠生周允新之妹年二



十餘夫歿厲志守節父維綸年逾七旬久染瘋疾  
氏孝養不衰內外咸稱之教子有方延師課讀子  
顯庸能稟慈訓早列膠庠氏現年五十六歲  
江村儒士周學修妻何氏庠生叔枚之媳廩生何起  
寅之妹年十六歸周越數載夫故無嗣僅三女俱  
在弱齡氏誓守不二時姑何氏亦孀居仰事俯育  
爲弟學价娶婦輯和無間撫外侄瀚爲夫後教之  
成名賢聲著於鄉里現年六十五歲

道州志

卷之九

人物

三九

列女

周述龍妻何氏庠生周廷猷之嫂與其弟述正妻朱  
氏皆青年喪偶先後寡居各撫遺孤同心誓守何  
子名紹祖朱子名光祖今皆成立家事一聽廷猷  
主持毫無間言一門雙節現年各五十餘歲

水南儒童吳楚 妻周氏國學吳元煥之媳元煥歿  
楚方數齡母黃氏苦節撫育氏于歸時年僅十  
六越歲生子顯宗甫三月而楚歿門祚衰薄姑  
媳相依子稍長爲娶婦卽氏外侄女也無何子得  
狂疾久不愈姑以憂卒氏流離遷徙卒無怨言時  
吳氏一門寡居者五六人伶仃孤苦氏爲尤甚戚里共矜之



流寓

漢騫出使西域道經春陵曾遊一巖遂名中郎巖有讀書處遺跡今巖中有中郎祠

蔡邕入丞凡名山勝蹟在在品題州西有含暉巖摩崖書水天一色四字

唐楊越公房其先本中原成紀人為郴州刺史嘗過道州見元結還過蓮塘李氏慕寧邑之形勝家焉

宋呂希純河南人公著之子哲宗時為起居舍人張商英憾之紹聖初商英為諫官力攻希純遂謫舒

道州志

卷之

人物

州團練副使道州安置

吳禎興國人在太學與歐陽修等上書忤執政編管道州建炎初賜歸里

曾極崇仁人題金陵行宮龍屏忤丞相彌遠謫道州王庶慶陽人紹興中秦檜主和庶力詆之出知潭州為中丞勾龍如淵劾罷歸巴江御史胡汝明又論其譏訕朝政謫嚮德軍節度副使道州安置卒於貶所

蔡元定字季通建陽人尤袤楊萬里交薦於朝召之



不起築室西山將爲終計慶元間韓侂胄黨攻正學竄元定於道州就道時祖客有泣下者元定不異平時朱子喟然曰友朋相愛之情季通不挫之志可謂兩得之矣至春陵遠近來學者日衆逾年卒所著洪範解大衍詳說律呂新書行世學者尊之曰西山先生

明羅洪先吉水人寓州時有謁濂溪詩並題宗子宅曰特恩堂匾額現存

道州志

卷之

人物

陵墓

漢龍平侯熊尙墓在州北四十里龍村有碑并石獸碑高九尺厚八寸螭首龜趺立於漢獻帝二十一年丙申宋刺史王繼勳輿至寇公樓淳熙五年太守趙汝誼命博士章穎考釋之併鑱諸石嘉定六年刺史方信孺龕於至拙堂之前久而湮沒明嘉靖時分守卜公求得於州治土中今復佚其文曰

字子高其先蓋皇帝顓頊氏苗裔周有天下成王建國舉文武勤勞之後嗣而熊繹受封於楚奕世載德四十餘代至尙之後祖籌自汝南吳郡大龍興舉孝廉拜議郎南巡郡國綏民有道封



道州志

卷之

人物

四

交

平侯歷至晏亦舉孝廉生大司馬郊郊生曾祖  
 齊郡守長範生祖父師察上計掾君父喬字漢舉  
 歷朝惟仁與恕治歐陽尚書六日釋劇解紛少仕  
 州縣臨朝蹇諤孔慎摻履以忠孝稱辟吏諸踐曹  
 主記史者郵主簿五官功曹州從事舉孝廉上計  
 椽平元年八月廿六日壬寅詔書除補桂陽曲  
 江果達臨化宜惠所去遺績謝事六載荆  
 害罹災致寇郡縣潰散鎮南將軍荆州  
 劉君諱表字景昇以君稟純履正出自  
 民舉勵志疾邪牧侯薦其為民所安上  
 遠近禴負而至吏民作誦曰祝熊君兮  
 陽九陰會王室威裔君功夙著海內咨  
 都尉受灌陽督長六載無為而治稽顙生  
 無怨曠聲君春秋七十有一漢獻帝二十  
 三月二十二日丙寅卒官吏懷慕官屬五  
 奚湯丁扶送靈柩哀如毀傷受顧農父洒  
 泣路隅皆懷悽愴哀我惠君同產弟望公質性慷  
 慨史魚之直更功曹列椽督郵郡梁長早終君長  
 子再秉性孝文操持敦良耽志好學博覽群藝更  
 列曹椽三奉辟召於州昔周文公作頌送考成父  
 公子奚斯追美遺蹟紀述前勲於是刻碑以示後  
 昆其詞曰赫赫熊君遷基華宇漢興代項巡行南  
 楚顯封爵邑遂爾延祖奕葉休隆君允兵緒克明  
 盛德榮牧城社所去有績龜銀之作雒河挺錄為  
 國比輔懿懿其操穆穆其姿光其行桓桓其威  
 清虛淡泊後嗣式緒冠秩之應詵詵振振昊天不  
 吊始榮終枯哀我良則國失良輔其生也榮其死  
 也哀刻銘金石沒而不朽靈也有知祐福孫子支  
 千相生吉而無咎詩曰嘉樂君子憲憲令德延於  
 無極追叙君兮純粹精名稱州里兮樞機發動執  
 忠正兮溷亂而不惑不枉身事污君兮損爵土而  
 進退崇禮約行兮舉動而不跌遭濁而自清兮泥  
 而不滓穢鳴呼君兮匪石是為州郡禮遇之名貫  
 於四表德稱耿光兮賢比於前列其召畢之歡啟



由文武以與業子孫植今世享寵祿濟體於枯木  
今純生榮而死哀是以刻石今為君立碑覽英雄  
之迹今以來古嗣長其  
而廢守今後嗣無廢遺

平都侯蔣嵩墓在州南三十里蔣居鄉荆山有碑今

佚明統志以為蔣琬墓各勝志曾辨其訛舊志兩

存之考琬子斌荅鍾會書云先考亾於涪陵卜云

其吉遂安厝之則琬葬於涪明矣此為蔣嵩墓無

疑案今石馬神廟即其墓地嘉慶二十年州明經

周仰祖於侯子孫家得其券詞謝表及諭祭文

墓誌銘等篇文詞古茂歲月鑿鑿因其中間有可

疑之句或係後人傳寫訛誤故不倫載又名勝志

載太守方信儒輿碑於至拙堂考舊志

無此語或係因熊尚碑而誤亦未可知

道州志

卷之

人物

陵墓

唐營道縣丞文郁墓在州西四十里營山文峯嶺

後唐天策府學士何仲舉墓在州北二十里

宋周智強墓在營樂鄉安心寨碑佚

諫議大夫周輔成墓在濂溪故里左碑佚

侍制周燾墓在營樂鄉安心寨大岡面

狀元吳必達墓在白馬渡

明右都御史熊繡墓在州北五里正德間賜葬諭祭

禮部侍郎劉瑞撰神道碑

工部侍郎何天衢墓在瀟川鄉嘉靖七年賜葬諭



祭翰林侍講張璧撰神道碑

贈奉政大夫何鐸墓在修義鄉鳳凰山

評事何鍾墓在擔山太子少保商輅撰神道碑

同知周良相墓在宜山之陽巡撫邵陛題其墓曰

安貧樂道

御史黃廷聘墓在水南青龍灣刑部尚書沈應文

撰神道碑

翰林院博士周冕墓在州西八里正江頭鳳凰山

同知黃應元墓在州南七里岡

道州志

卷十

人物

三

陵墓

戶部郎中何朝宗墓在州西南四十里葫蘆巖

指揮鎮算治參將洪遠墓在州城北馬家塘指揮

洪壽墓側

總兵官李璋墓在下關

國朝總兵陳文宣墓在州城北門外

